

جريدة محاكم

صالي

نومرو	ذی الحجه	سنه	تشرین اول	سنه	صحیفه
۲۲۳	۱۴	۱۳۰۰	۵	۱۲۹۹	۱۷۷۷

* اشبو غزته بهر هفته صالی کونلری چیقار . سنه لکی مجیدی اچمه التمش غروشدن بهر نسخه سی التمش
 * پاره مجیدی به اوله رق هر یرده صاتیلور . درج اولند جق اعلاناتک بهر سطرندن ایکی غروش النور .
 * سنه لکنه مشتری اولوق استیانلر عدلیه نظارت جلیله سی اوراق مدیر لکنه مراجعت ایتلیدر

(توجیهات عدلیه)

امور جزاییه مدیریتی رتبه ثانیه صنف متمایزی ایله
 در سعادت بدایت محکمه سی حقوق دأره سی اعضا سندن
 عزتلو یانقو افندی به
 در سعادت بدایت محکمه سی جزا دأره سی اعضا لگی
 دأره مذکوره اعضا ملازم لکنده بولنان نشأت
 افندی به
 در سعادت بدایت محکمه سی اعضا لگی محکمه
 استیناق جنحه دأره سی باش کاتبی سابق نشأت
 افندی به
 در سعادت بدایت محکمه سی اعضا لگی و یچن
 هوفوجیان افندی به
 بک اوغلی بدایت محکمه سی اعضا لگی محکمه مزبوره
 اجرا مأموری معاونی قاپارکی افندی به
 قره سی ولایتی بدایت محکمه سی مدعی عمومی معاون لکی
 در سعادت بدایت محکمه سی ملازم لردن حیدر
 افندی به توجیه بیور لشدن

(محکمه تمیز جزا دأره سندن اعطا قلنان فی)
 (۲۹ شوال سنه ۱۳۰۰ وفی ۲۰ اغستوس)
 (۹۹ تاریخ و بشبوز یکرمی بش زمرولی)
 (اعلامک صورتیدر)
 بک اوغلنده واقع مجار ساکنه لردن مار یور یجه
 خاتونک قاتلی اولوق تهمتیله متهم بولنان بقال لیغورک
 قانون جزانک یوز یتمش درنجی ماده سنک فقره
 اخیره سنه تطبیقاً اعدامنه حکم اولندیغنی متضمن
 محکمه جنایتک فی ۱۲ ذی القعدة سنه ۹۸
 وفی ۲۳ ایلول سنه ۹۷ تاریخلی واللی اوج
 نومرولی اعلامیله اوراق متفرعه سی باش مدعی
 عمومی مأموریت بهیه سندن فی ۲ ربیع الآخر
 سنه ۹۹ وفی ۸ شباط سنه ۹۷ تاریخلی ویک
 یوز اللی سکر نومرولی تبلیغنامه ایله محکمه تمیز
 جزا دأره سنه اعطا قلنغله لیدی التدقیق خصوص

مذکورک مرافعه شرعیہ سنک اجرا قلندی
اکلاشلدیغنه وچکنده دائرهجه قتل ماده سنندن طولانی
حکم اعدای حاوی بر اعلامک حین تدقیقده مرافعه
شرعیہ اجراسی بجی درمیان اولنه رقی اولباده
تساوی آرا و قوعنه مبنی هیئت عمومیده جریان
ایدن مذاکرات نتیجه سننده چونکه قانون جزانک
قتل فصلنده و بوزیش برنجی ماده سننده حکم قانونی
حقوق شخصیہ بی اسقاط ایدمه چکنندن مقتولک ورثه سی
واریسه انلرک ادعای اوزرینه حقوق شخصیہ دعوا سنک
محاکم شرعیہ به حواله سی مندرج اولسوله اعلام
نظامینک تصدیقندن اول حقوق شخصیہ دعوا سننه
قیام ایدوب ایتیه جکرینک ورثه مقتولدن صورلسی
رومی قرار گیر اولش ایدوکنه و خصوص مذکور
دخی بوقیلدن بولندیغنه بناء تدقیقات تمیزیه بعده
اجرا قلندی اوزره اول امرده مقتول مرقومک ورثه سی
حقوق شخصیہ لر بی طلب و دعوی ایلدکاری حالده
محاکم شرعیہ به حواله سیله ایجابی اجرا و مقتولک
ورثه سی اولدیغی و یا اولوبده حق شخصی دعوا سنندن
فراخت ایلدکاری تقدیرده کیفیتک اعلامه درج
واملا ایدلک اوزره اوراق مرقومه نک محکمه
مذکوره به اعاده سی تذکر قلندی

(محکمه تمیز جزا دائره سنندن اعطا قلنان فی)
(ذی القعدہ سنه ۱۳۰۰ وفی ۳۰ اغستوس)
(سنه ۹۹ تاریخلی والتیوز اون یدی نومرولی)
(اعلامک صورتیدر)

قیصریه سنجانی بدایت محکمه سی جزا دائره سنک
فی ۳ بجادی الآخره سنه ۹۸ وفی ۲۰ نیسان
سنه ۹۷ تاریخلی و او توز ایکی نومرولی اعلامیه

تقضنه و خرج تعرفه سنک قرقچی ماده سی احکامجه
تمیز اعلامی خرجی اولوق اوزره ایکیوز غرووشک
اخذ و استیفاسنه قرار و برلدی

(محکمه تمیز جزا دائره سنندن اعطا قلنان فی ۲۳)
(ذی القعدہ سنه ۱۳۰۰ وفی ۱۳ اپرول سنه)
(۹۹ تاریخلی و یدیوز یکر می یدی نومرولی)
(اعلامک صورتیدر)

اوزره بدایت محکمه سنک فی ۲۷ ذی القعدہ سنه
۹۸ وفی ۸ تشرین اول سنه ۹۷ تاریخلی والی
طقوز نومرولی اعلامیه اوراق منفرعه سی حلب
ولایتی مدعی عمومیلکنندن با تخریرات ارسال
و باش مدعی عمومیلک مأموریت بهیه سنندن فی ۳
ربیع الآخر سنه ۹۹ وفی ۱۰ شباط سنه ۹۷
تاریخلی و بیک یوز طقسان اتی نومرولی تبلیغنامه
ایله محکمه تمیز جزا دائره سننه اعطا قلنشدر

مذکور اعلام مفادی اوزره بدایت محکمه سی برنجی
کاتبی حافظ احمد قندی به رشوت و یردیکنی ادا ایلدیان
خلیل سنونک مفتریلکی حقیقده اجرا قلنان محاکمه
علتیه ده مرقوم خلیل سنونک بغیر حق افترا ده بولندیغی
تحقیق ایلدیکنندن قانون جزانک ایکی یوز اون اوچنجی
و التمش طقوزنجی ماده لرینه توفیقاً و تاریخ توفیق اولان
طقسان سکر سنه سی رمضانک یکر می برنجی کونندن
اعتباراً بعد التمشه بر اوج سنه مدله قلعه بند اولنسنه
و بیک سکر یوز سکسان غرووشک دخی جزای نقدی
اوله رقی کندوسندن التمشه و اعلام خرجی و مصارف
محاکمه اولان التیوز التمش غرووشک دخی تحصیلنه
قرار و یرلدیکنی مبین بولنش و ذکر اولنان تبلیغنامه ده

دخی کیفیتک محاکمه و حکمنجه اعتراضه محل کور یله
مدیکندن مقتضای قانون سنک ایفاسی طلب و بیان
اولنشدر

سائر اوراق دعوی دخی مطالعه ایله تمیزاً تدقیق
کیفیت اولندقدده بو باده تحقیقات استنطاقیه بی اجرا
ایدن مستنطق طرفندن منع محاکمه به قرار و برلش
اولدیغی جهتله مدعی عمومی بو قرارده اصابت
کور یله مدیکنی حالده اصول محاکمات جزاییه قانون
موقتک یوز او توزنجی ماده سننه توفیق معامله ایله
اعتراضاتی توضیح و درمیان ایتسی لازم کلور ایکن
بوقاعده قانونیه به رعایت ایتیه رک یالکر ایشک
جنایت رنکنده کورندیکنی بیان ایتش و مذکور
مضبطه اتهامیه دخی شو بولسن معامله به مبنی بولنش
اولغله وانی تعقیب ایدن معاملات دخی بالطبع منسوخ
بولغله قانون مذکورک اوج یوز اون دردیجی
ماده سننه توفیقاً ذکر اولنان مضطبه و اعلامک منسوخ
و تقضنه و اوراق مرقومه نک محله اعاده سننه و خرج
تعرفه سنک قرقچی ماده سی موجبجه تمیز اعلامی
خرجی اولان ایکی یوز غرووشک اخذ و استیفاسنه قرار
و برلدی

(محکمه تمیز جزا دائره سنندن اعطا قلنان فی)
(ذی القعدہ سنه ۳۰۰ وفی ۱۴ اپرول سنه)
(۹۹ تاریخلی نومرولی اعلامک)
(صورتیدر)

طر بزون ولایتی اعشار اداره سی کتبه سنندن طاغستانی
محمود افندی ایله صبیان مکتبی معلمی حافظ رامز افندی
پیشنده متکون و متحدت اولان ضرب و اطاله لسان
دعوا سننه دائر طر بزون بدایت محکمه سنندن و یریلان
فی ۱۳ رجب سنه ۹۹ وفی ۱۹ مایس سنه

سنه ۹۸ تاریخلی و قرق بر نومرولی اعلامک حکمنی عدم قبول ایله تمیزاً رؤیت و تدقیق مومی الیه محمود افندی طرفندن مدت نظامیه ایچنده استدعا اولمسنه و اولبابده اولان اوراق طاقیله ولایت مشار الیها مدعی عمومیلکنندن با تخریرات ارسال قلمسنه مبنی باش مدعی عمومیلک مأموریت بهیه سندن و یریلان فی ۱۴ شعبان سنه ۳۰۰ و فی ۷ حز یران سنه ۹۹ تاریخلی و یوز الی اوچ نومرولی تبلیغنامه ایله محکمه تمیز جزا دأره سنده مطالعه اولندی

اعلام مذکور ک حاوی اولدیغی حکم مومی الیهمدان محمود افندیک یوز یتیش طقوزنجی ماده قانونیه به توفیقاً برهفته حبسیله کندوسندن بر عثمانلی التونی و راضر افندیکن دخی ایکبوز اون دردنجی ماده موجبجه بر مجیدیه التونی جزای نقدی اخذینه دأر اولوب مذکور تبلیغنامه چله مندرجاتندن اولدیغی اوزره ذکر اولنان حکم لک قانوناً جنجه انوعندن و بناء علیه قابل استیناف اولان مواددن اولدیغی حالده مخالف قانون اوله رق طوغریدن طوغری به تمیزی استدعا اولمسنه و بوايسه قانوناً غیر جائز بولمسنه مبنی مذکور استدعاک ردیله اوراق متفرعه سیله برابر محالنه اعاده سنه اکثریت آرا ایله قرار و یرلدی

(فی ۱۴ ذی الحجه سنه ۱۳۰۰ و فی ۴ تشرین اول سنه ۹۹ تاریخله محکمه تمیز جزا)
(دأره سندن و یریلان اعلامک صورتیدر)

تکه سنجاغی بدایت محکمه سنک فی ۲۱ کانون ثانی سنه ۹۶ تاریخلی و یوز طقسان بر نومرولی اعلامیله اوراق متفرعه سی قونیه ولایتی مدعی عمومیلکنندن

فی ۲۲ ربیع الآخر سنه ۹۸ و فی ۹ مارت سنه ۹۷ تاریخلی و طقوز نومرولی تخریراته ارسال و باش مدعی عمومیلک مأموریت بهیه سندن دخی فی ۸ رجب سنه ۹۸ و فی ۲۳ مایس سنه ۹۷ تاریخلی و درتیوز نومرولی تبلیغنامه ایله محکمه تمیز جزا دأره سنه اعطا قلمغنه مطالعه اولندی

مذکور اعلامده لواء مذکور داخلنده واقع استانوس ناحیه لی زنجی سعیدک کیفیت قتلندن طولایی مظنون علیه اولوب تحت توقیف و استطاقه النان وهیئت اتهامیه ده جنایتله اتهام اولنان زوجہ سی زنجیه فدائی قادیک اجرا قلنان محاکمه علیه ده مز بورهنگ زوجی مرقومی اثنای منازعه ده ضرب و جرح ایدرک مرقومک متأراً وفات ایلدیکی اقراری و ادله ایله ثابت اولدیغندن و اگرچه مز بورهنگ حین وقعه ده جنت حالنده بولدیغی بلدی طیبی طرفندن بارابورت بیان اولمش ایسه ده علت مذکوره قدیم اولیوب موقت ایدوی اکلشلسیله مز بورهنگ من غیر تعد قتل مذکوری ایقاع ایلدیکی تحقق ایلدیکندن قانون جزانک یوز یتیش دردنجی ماده سنه توفیقاً بعد التشهیر اون بش سنه مدته کور که قونلسنه حکم اولدیغی کوسترلش و تبلیغنامه ده دخی دعوی مذکورهنگ اصول ثبوتیه سیله قانونه جهت تطبیق حقیقه حسب الوظیفه اعتراضه محل کور به مدیکی بیان اولمشدر

سأر اوراق دعوی دخی مطالعه اولندقدن صکره اجرای تدقیقات تمیزی به به لدی الابتدار مز بوره فدائی قادیک زوجی مرقومی جرح و قتل ایلدیکنده جنت حالنده اولدیغی طیب طرفندن بیان ایلدیکی حالده بعض مطالعات سرد ایله مذکور رابورته خلافده قتل مذکور تام الشعور اوله رق ایقاع ایلدیکی بیایله مز بوره حقیقه ماده مذکور به

تطبیقاً تعیین مجازات ایلدی و فته مستند اولان برحالت خلافی فناً ثابت اولدیغی حالده او بولده بیان مطالعه ایله مز بورهنگ مجرمیت و محکومیتنه قرار و یرلسی یواسر و صلاحیت خارجنده اولدیغندن ذکر اولنان اعلامک نقضیله اوراق مرقومه نک محلنه اعاده سنه و خرج تعرفه سنک قرقنجی ماده سی موجبجه تمیز اعلامی خرجی اولان ایکی یوز غر و وشک اخذ و استیفا سنه قرار و یرلدی

(فی ۱۴ ذی الحجه سنه ۱۳۰۰ و فی ۴ تشرین اول سنه ۹۹ تاریخله محکمه تمیز جزا)
(دأره سندن و یریلان اعلامک صورتیدر)

عززه عشیرتندن و شیخ زعیم قبیله سندن طرف بن هیشسان و خلف بن مظهرک اثنای راهده دوه واقعه لرینی اخذ و غضب ایتیش اوللرندن طولایی زور سنجاغی مجلس اداره اعضا سندن عبداه افندی ایله رفیق ضبطیه محمد بن حرفان و نزهان بن عکله و مهیوبک جنایتله اتهام اولندقدن بنی متضمن حلب هیئت اتهامیه سندن فی ۹ صفر سنه ۹۹ تاریخلی و التمش سکر عددی ایله مرقاً اعطا و تبلیغ قلمش اولان مضبطهنگ مفسوخیتی مرقوم عبداه افندی طرفندن مدت قانونیه سی طرفنده استدعا اولمسی جهته مضبطه مرقومه ایله لایحه اعتراضیه اوواق متفرعه سیله معاً ولایت مشار الیها مدعی عمومیلکنندن با تخریرات ارسال و باش مدعی عمومیلک مأموریت بهیه سندن دخی فی ۱۰ ذی القعه سنه ۱۳۰۰ و فی ۳۱ اغستوس سنه ۹۹ تاریخلی و ایکی یوز طقسان سکر نومرولی تبلیغنامه ایله محکمه تمیز جزا دأره سنه اعطا قلمشدر

ذکر اولنان مفسوخیت استدعاسی مالی مغضوب منه دنیلان اشخاصک عززه اشقیای باغیه سندن و راست کلدکرینی قتل و ماللرینی غضب ایدن طساقندن بولندیغندن و بومقوله عززه و شمر اشقیاسنه حین تصادفده کندولری اخذ و گرفت و ماللری مصادره اولمش اوته دنبرو حکومته ایخاذا اولمش برقاعده اساسیه دن اولدیغندن و شو حالده مرقوم لک طوقلسی و اشیلارینک اخذ و گرفت اولمسی بوقاعده مرعیه به تطبیقاً اجرا ایلدیکدن حرکت و افعه لرینک تطبیق اولنان التمش ایکنجی ماده ذبلنه غیر موافق اولدیغنه و دعوی اولنان فعاک جنایاتندن معدود بولمدیغنه و بوايسه اصول محاکمات جزایه قانون موقتنک ایکی یوز الی دردنجی ماده سی موجبجه مضبطه مذکورهنگ مفسوخیتی موجب احوال دن ای دوکته بناء کندولرینک جنایتله اتهامی حقیقه و یریلان قرارک فسختی

مستدعیدر
مذکور تبلیغنامه مفادی دخی فعل مدعا بهت ذکر اولنان التمش ایکنجی ماده علاوه سی حکمنجه جنایت نوعندن اولدیغی مضبطه مذکور مندرجاتندن اکلشلدیغندن و شو حالده اعتراضات مذکوره بجا اولدیغندن استدعاک ردی طلبینی حاویدر

سأر اوراق دعوی دخی مطالعه اولندقدن صکره کیفیت تدقیقات تمیزی به به لدی الابتدار مستدعی مرقوم عبداه افندی فعل مذکورک جنایت نوعندن اولدیغنی و قانونه جهت تطبیق دخی غیر موافق بولدیغنی ادعا و بواصالی مفسوخیت حقیقه اولان ایکی یوز الی دردنجی ماده نک ایکنجی فقره سنه بنا ایده بور ایسه ده مضبطه مرقومده محرر الاسامی کسانکی صوب نقود موجوده و دوه لرینی اخذ و غضب ایلدکری مرقوم عبداه افندیکنک تحت

اعترافنده اولديغنه نظراً فعل مذکورک جنایت
نوعندن اولديغی آزاده اشستباه اولوب انجق لایحه
مذکورده درمیان اولديغی وجهله حرکت
مشروعهلری بر مقصد غیر مشروع مستند اولوب
اولديغی و افعال ممنوعه دن بولنديغی جهتلری مسائل
تقدیریه دن و بوضورت ایسه حین محاکمه تدقیق
وحل اولنه جق مواددن بولنديغنه مبنی بر موجب
تبلیغنامه استدعای مذکورک ردینه واوراق
مرفوعه نك محله اعاده سنه قرار ویرلدی

(فی ۱۴ ذی الحجہ سنه ۱۳۰۰ وفی ۴ تشرین)
(اول سنه ۹۹ تاریخیه محکمه تمیز جزا)
(دأره سندن ویریلان اعلامک صورتیدر)

بایزیدسنجانی بدایت محکمه سنک فی ۱۴ جناداولی
سنه ۹۸ وفی ۲ نیسان سنه ۹۷ تاریخلی واون بر
نومرولی اعلامیه اوراق متفرعه سی ارضروم ولایتی
مدعی عمومیلکنندن بانحریرات ارسال وباش مدعی
عمومیلک مأموریت بهیبه سندن دخی فی ۲۴ ربیع
الآخر سنه ۹۹ وفی ۳ مارت ۹۸ تاریخلی
ویکرمی درت نومرولی تبلیغنامه ایله محکمه تمیز جزا
دأره سنه اعطا اولمشدر

مذکور اعلامک مفهومی قره کلیسا قضاسی اهلایسندن
مغردیجک کیجه اخورینک دیوارینی دهرک برچفت
اوکوزینی سرقت ایتمسندن طولایی جنایتله اتهام
اولنان کوز کورک قریه لی حسونک سرقت مذکوریه
اجتساری بالمحا که ثابت اولديغندن قانون جزانک
ایکیوز بکر منجی ماده سنه توفیقاً اوج سنه مدتله کورکه
قونلسته حکم اولنديغنه دأردر
تبلیغنامه ده دخی اصول محاکمات جزایه قانون موقنک

ایکیوز الی برنجی ماده سی موجبجه اتهام قراری
علیهنده مفسوخیت ادعاسی ایدوب ایتمجکی تمهیدن
صورلماش وایکیوز سکسان طقوزنجی ماده سی حکمجه
صوک حقی مدافعه متهمک ایکن مدعی عمومیلک
تحدید جزا ادعاسیله محاکمه به ختام ویرلمش وایکیوز
طقسانجی ماده به مغایر اوله رق مجرم اولوب اولديغنه
دأر قرار ویرلمکسزین جزاسی تعیین ایداش اولديغی
جهتله اعلام مذکورک نقضی طلب ایدمشدر

سأر اوراق دعوی دخی قرأته تدقیقات تمیزیه اجرا
اولنديغه خصوص مذکور حقیته تحقیقات اولیه ایله
معامله اتهامیه قاعده قانونیه به موافق جریان
ایتمش اولوب صورت محاکمه به کلجه تبلیغنامه ده
کوستریلان نواقصک عدم اجراسی شویله طورسون
محاکمه نك قانونک تعریف وارائه ایلدیکی اصولک
هیچ بر نقطه سنه تطبیق ایدلماش اولديغی ومع هذا
یوز التمش دردنجی ماده قانونیه به توفیقاً محکمه
مزبورهنک بش ذاندن مرکب اولديغی طالده ایسه
باقسی لازم کلور ایکن درت ذات ایله اجرای محاکمه
ایتدیکی ضبطنامه مطالعه سندن مفهم وصور مسروده
قانوناً نقضی مستلزم اولديغنه مبنی اوجیوز اون
دردنجی ماده قانونیه موجبجه اعلام مذکورک
نقضنه وتمیز اعلامی خرجی اولان ایکیوز غروشک
اخذینه قرار ویرلدی

(فی ۱۴ ذی الحجہ سنه ۱۳۰۰ وفی ۴)
(تشرین اول سنه ۹۹ تاریخیه محکمه تمیز)
(جزا دأره سندن ویریلان اعلامک صورتیدر)

مرفعه قضاسی قائم مقامی تحسین افندینک جارح قطبی

حسین وقوزمه بی معامله قانونیه نك اجراسی ضمینده
محکمه به تسلیم ایتمکسزین صالیورمک ودرک منجی
ارستی بی بلا موجب بر قاج ایلر محبسده بر افاق و منافع
صندیغی حقیته کی او امرک مقتضیاتی اجرا ایتدیکی
کی بلدیله معاملاتنی مشوش بر حالده دوام ایتدرمک
ویلان قریه سی مکتب معلی یونانی میخانل حقیته کی
امری اجرا ایتمک کی حرکاتده بولنه رق وظیفه
مأموریتنی سوء استعمال ایلدیکی اکلشلمسته بناء
قانون جزانک یوز ایکنجی و یوز التنجی ماده لرینه
توفیقاً جنجه ایله اتهامنه قرار ویرلدیکی متضمن
کلیسولی سنجانی اداره مجلسندن تنظیم واعطا قلنان
فی ۳۰ مارت سنه ۹۹ تاریخلی مضبطه نك
مفسوخیتی مدت نظامیه سی طرفنده مومی ایله تحسین
افندی طرفندن استدعا اولنديغی جهتله مضبطه
مذکوره ایله اوراق متفرعه سی ادرنه ولایتی مدعی
عمومیلکنندن بانحریرات ارسال وباش مدعی عمومیلک
مأموریت بهیبه سندن دخی فی ۱۱ رمضان سنه ۱۳۰۰
وفی ۴ تموز سنه ۹۹ تاریخلی و یوز تیش درت
نومرولی تبلیغنامه ایله محکمه تمیز جزا دأره سنه
اعطا اولمغه لیدی التدقیق مذکور تبلیغنامه ده
بیان اولنديغی اوزره اصول محاکمات جزایه قانون
موقنک ایکی یوز الی دردنجی ماده سی حکمجه
مفسوخیت استدعاسی انجق جنایتله اتهامی متضمن
اولان هیئت اتهامیه مضبطه لری علیهنده اسباب
اربعه دن برینه استناداً اقامه اولنه ییلوب یوقسه
بومقوله جنجه ایله اتهام قرارینی حاوی اولان
مضبطه لک ماده مذکوره واسباب مزبوره به مستنداً
فسخنی استدعا ایتمک جائز اولديغی کی بوسکی
خصوصاً تده علی العاده تمیز دعواسی اقامه ایدیه
بیله جکنه دأر دخی صراحت قانونیه موجود
اولديغندن استدعای مذکورک ردینه قرار ویرلدی

(فی ۱۴ ذی الحجہ سنه ۱۳۰۰ وفی ۴)
(تشرین اول سنه ۹۹ تاریخیه محکمه تمیز)
(جزا دأره سندن ویریلان اعلامک صورتیدر)

دیاربکر ولایتی استیناف محکمه سنک فی ۲ جادی
الآخره سنه ۱۳۰۰ وفی ۲۸ شباط سنه ۹۸
تاریخلی والی بر نومرولی اعلامک تمیزاً رؤیتی
محکمه مذکوره مدعی عمومیلکی جانندن استدعا
اولنه رق اعلام مذکور ایله اوراق متفرعه سی
بانحریرات ارسال قلنش اولمغه باش مدعی عمومیلک
مأموریت بهیبه سندن فی ۹ ذی القعه سنه ۱۳۰۰
وفی ۳۰ اغستوس ۹۹ تاریخلی وایکیوز الی اوج
نومرولی تبلیغنامه ایله محکمه تمیز جزا دأره سنه
اعطا اولمشدر

مذکور اعلامک مالی دیار بکرلی موجب مانوقک
قتل واششایسنک غضب اولنسنندن طولایی مضمون علیه
اولوب بعد الاستنطاق هیئت اتهامیه ججه جنایتله
اتهام اولنان نعمو بن مززه ومصطفی بن حسن
ومحمد بن عبده و یوسف بن عرک اجرا قلنان
محاکمه علیه ده قتل وغضب مذکورده مدخل
واشتراکلری اکلشیله مدیغندن برائت ذم لرینه حکم
اولنديغی بیاندن عبارتدر
(بقیه سی صکره)

اعلامات

ابراهیم ادهم افندینک برادری محمد علی بک ذمته
با اعلام الاجبی اولان مبالغ معلومه دن طولایی
مدیون مومی الیهک در سعادتده خواجه خزه محله سنک
دوه اوغلی یقوشنده کلخن زقائنده ایکی نومرو ایله
مرقم اولوب یدی او طه و بر مقدار باغچینی مشتمل
بر باب خانه ده اولان ثلث حصه سنک فروختی مقرر

اولغله تاریخ اعلاندن اعتباراً اون بش کون صکره
مزایده سنه مبادرت اولنه جغی اسکدار اجرا
دائرة سندن اعلان اولنور

فی ۱۰ مایس سنه ۹۹

او خانس افندی نیک زوجه سی لوسیه خانمک احمد جدی
افندی ورثه سنده محکوم به الاجغی اولان مبالغ
معلومه نیک تأمین استیغابی ضمنده داینه مزبور نیک
عهده سنده مرهون بولنسان بلغورلی قریه سی
جوارنده چقال طاغی نام محله واقعه بر قطعه باغ لیدی
المزایده لیرا یوز غروش - ساییله سکر بیک غروش
بدل ایله طالبی عهده سنده تقرر ایتکله تاریخ اعلاندن
اعتباراً اوتوز بر کون صکره قرار قطعیمی و یر یله
جکندن یوزده بش ضمیمه زیاده یه طالب اولنلرک
اسکدار اجرا دائرة سنه مراجعت ایملری اعلان
اولنور فی ۱۱ تشرین اول سنه ۹۹

بدلی محمد جدی افندی نیک $\frac{۹۹}{۶}$ نومرولی اعلام
عوجبجه حسن توفیق افندی یه دینی اولان مبالغ
معلومه نیک تأمین استیغاسی چون عربی بیزید
محله سنده کونک زقاقنده بدی نومرو ایله مرقم عرصه سنک
فروختی مقرر بولندیغندن اشبو اعلان تاریخندن اعتباراً
اون بش کون صکره بالمزایده فروخت ایله جکی
وطالب اولنلرک اوعلی بدایت محکمه سی اجرا
مأمورینه مراجعت ایملری اعلان اولنور

فی ۲۸ ایلول سنه ۹۹

متوفی کراسته جی نیقولایکی ورثه سی قسطنطی و بیاتو
ودسینو و افتالیه و مار یونقه امالیه نیک $\frac{۲}{۱۸}$ نومرولی
اعلام عوجبجه میخال مسائلدی یه اولان دینلر نیک
تسویه سی ضمنده تحت حجزه النسان صاری تیور
محله سنده حطب قپوسی هوقعنده در تیوز نومرولی
متصرف اولدقلری ملک و کدک کراسته جی دکانلر نیک
فروختی مقرر بولندیغندن تاریخ اعلاندن اعتباراً
اون بش کون صکره بالمزایده فروخته تشبث
ایدیله جکی بک اوعلی بدایت محکمه سی اجرا مأموریتی
جانبندن اعلان اولنور

فی ۶ تشرین اول سنه ۹۹

فاطمه جیله خانمک حوا خانم ذمتنده بااعلام الاجغی
اولان مبالغ معلومه نیک تسویه سی ضمنده موی
الیهانک عهده سنده بولنسان جامع شریف قرینده
خراججی محی الدین محله سنده دستره جیلر چارسوسنده
اوتوز اوچ وینه محله منک کورده میخ جیلر
جاده سنده واقع اون ایکی واون درت نومرولر ایله مرقم
دکانلرک نصف حصه لریله ایوبده دوکده جیلر
محله و جاده سنده واقع الی نومرولی نصف بوستانک
تاریخ اعلاندن اعتباراً اون بش کون صکره
فروخته تشبث اولنه جغی اعلامات شرعیه اجرا
دائرة سندن اعلان اولنور

فی ۱۱ تشرین اول سنه ۹۹